

Especialistas en resolución de conflitos ao servizo do alumnado

Estudantes e egresadas do Cema integran un servizo de mediación para estudantes



Eduardo Muñiz | Pontevedra

Coa idea de poñer en práctica os coñecementos adquiridos en materia de resolución alternativa de conflitos no Curso de Especialista en Mediación, alumnado e egresados do curso que dirixen as catedráticas Esther Pillado e Francisca Fariña integra o grupo de voluntarios e voluntarias co que bota a andar o servizo de mediación para o alumnado que impulsa o grupo de investigación PS1. [+info](#)

Un manual afonda nos efectos, riscos e beneficios terapéuticos do consumo de cánnabis

Con esta publicación Manuel Isorna quere contrarrestar a desinformación arredor desta droga



Rosa Tedín | Ourense

Unha publicación que quere ofrecer información sistemática e sinxela sobre o cánnabis, desde a súa historia e características ata os seus efectos e a prevención do seu consumo. Con este obxectivo, Manuel Isorna, profesor na Facultade de Ciencias da Educación do campus de Ourense, vén de publicar o manual *Cánnabis: efectos, riscos e beneficios terapéuticos*. A través de 256 páxinas, este doutor en psicoloxía intenta "tocar todos os temas" ...[+info](#)

O programa 'Universidade é Natureza' acada este curso o medio millar de participantes

Desde 2003 participaron máis de 7500 estudantes de primaria, secundaria e bacharelato



Rut San Millán | Vigo

O programa de concienciación medioambiental Universidade é Natureza, organizado pola Oficina de Medio Ambiente da Universidade de Vigo (OMA), acolleu este curso a medio millar de participantes pertencentes a doce centros educativos de primaria, secundaria e bacharelato de Vigo e a súa contorna. O alumnado, acompañado dos seus docentes, puido gozar en

cada unha das visitas de dúas rutas para coñecer o ecosistema do campus de Vigo e entrar en contacto... [+info](#)

Os cursos de extensión universitaria arrancan en Muíños abordando os retos do uso sustentable da auga

40 persoas participan na edición número 20 desta actividade formativa anual



Duvi | Ourense

Este luns, coincidindo coa celebración do Día Mundial do Medio Ambiente, arrancou no Concello de Muíños a programación de cursos de extensión universitaria, os coñecidos como cursos de verán, que se organizan desde o campus de Ourense. Ata o mércores, 40 persoas participarán na actividade formativa Retos e perspectivas do uso sustentable dos recursos hídricos. Tendo en conta o proxecto de especialización do campus de Ourense como Campus da Auga, a edición deste curso en Muíños, ... [+info](#)

O Observatorio de Igualdade bota a andar para visibilizar as desigualdades existentes na comunidade universitaria e as súas causas

É a primeira universidade galega en por en marcha un instrumento deste tipo



M. Del Río | Vigo

O II Plan de Igualdade entre mulleres e homes da Universidade de Vigo, aprobado en 2016, incluía entre os seus obxectivos a creación dun "observatorio de igualdade como fonte de información das políticas de igualdade da Universidade de Vigo". Esta ferramenta está xa en marcha co obxectivo fundamental elaborar informes e estatísticas que ofrezan información sobre as desigualdades existentes e as causas ... [+info](#)

A sorrir tamén se aprende

O Gabinete Psicopedagóxico organiza os días 8 e 15 de xuño un Taller de Ioga da Risa

Rosa Tedín | Ourense



"Do que se trata neste taller de ioga da risa é de sacar o neno que levamos dentro". Deste xeito resume José Luís Alves Montesino, monitor en técnicas de risoterapia e líder certificado en ioga da risa, o obxectivo do obradoiro que este xoves arrancou no campus de Ourense centrado nesta técnica. Ao longo de dúas sesións, as persoas inscritas afondarán dun xeito práctico e lúdico en como xogando co sorriso e coa respiración poden mellorar o seu benestar persoal, e polo tanto o das persoas que os rodean. [+info](#)

Expertos de tres universidades analizan en Cambados experiencias de cooperación transfronteiriza

O Observatorio da Gobernanza coordina un seminario centrado nas iniciativas impulsadas por concellos

Eduardo Muñiz | Pontevedra



A cooperación entre concellos fronteirizos tense amosado como un xeito de mellorar os servizos que estas administracións prestan á cidadanía. Este é o punto de partida dun proxecto de investigación, financiado polo Ministerio de Economía e Competitividade no que participan investigadores da Área de Ciencia Política e da Administración da Universidade e centrado en analizar as boas prácticas e experiencias que no eido da cooperación... [+info](#)

16 universidades buscan estratexias comúns para crear campus activos e fomentar hábitos de vida saudables fronte ao sedentarismo

A segunda xuntanza deste proxecto ten lugar esta semana en Turku, Finlandia



Duvi | Vigo

As 16 universidades que forma parte do proxecto Active Campus Europe manteñen dende comezos desta semana en Finlandia a segunda xuntanza desta rede de institucións saudables. Ao longo de catro días os representantes das universidades españolas, finesas, alemás, inglesas, irlandesas, holandesas e portuguesas, coordinadas pola RWTH Aachen University, están a desenvolver unha serie de coloquios, talleres e debates para avanzar nas... [+info](#)

As creacións do alumnado do campus abrirán Novos Cinemas

O festival presentou a programación da súa segunda edición, que terá lugar do 27 de xuño ao 2 de xullo



Eduardo Muñiz | Pontevedra

Dez curtas realizadas polo alumnado do campus, co cineasta Oliver Laxe como guía, que poñen en relación a contorna do Lérez coas persoas que a habitan e transitan, serán exhibidas no Teatro Principal na xornada de apertura de Novos Cinemas, que este luns presentou a programación da súa segunda edición, que se desenvolverá entre o 27 de xuño e o 2 de xullo. Un total de 40 filmes integran a programación dun festival promovido pola... [+info](#)

As obras táctiles das alumnas de BBAA amosaranse en catro concellos

A Casa das Campás acolleu a inauguración dunha exposición pensada para ser percibida sen vela



Eduardo Muñiz | Pontevedra

Tomando o relevo de *Tactilicia*, o proxecto impulsado hai dous anos desde a delegación de alumnado que convidaba aos estudantes a crear obras para persoas invidentes, obras que fosen percibidas a través do tacto, a Casa das Campás acolleu este martes a inauguración de *Proxecto Táctil*, unha exposición comisariada pola decana, Silvia García, para a que foron seleccionadas as creacións de dez alumnas "pola súa especial condición táctil... [+info](#)

'Cristais', unha curtametraxe pioneira no emprego de subtítulos creativos integrados



O proxecto forma parte da tese doutoral do estudante de CC Sociais Xosé Comesaña

Rut San Millán | Vigo

Cristais, primeira produción audiovisual no mundo que creará subtítulos integrados creativos durante a preproducción, iniciou a súa rodaxe en Allariz, Gondomar e Vigo. Esta curtametraxe, dirixida e escrita polo estudante de doutoramento de Ciencias Sociais e da Comunicación Xosé Comesaña como parte da súa tese doutoral, insírese dentro dun... [+info](#)

A Axencia de Doazón de Órganos e Sangue premia a solidariedade da Escola de Enxeñaría de Telecomunicación

Coincidindo coa celebración do Día mundial do doante de sangue

Duvi | Vigo



Coincidindo coa celebración do Día mundial do doante de sangue, a Escola de Enxeñaría de Telecomunicación recibiu este mércores un premio da Axencia de Doazón de Órganos e Sangue (ADOS) en recoñecemento á solidariedade que a comunidade educativa do centro amosou sempre nas diferentes campañas de doazón que veñen realizándose na escola desde hai anos. "Para nós este premio é unha gran ledicia porque é o recoñecemento a moitos anos de... [+info](#)

O alumnado de Los Sauces retornou a EE Forestal para falar de ecoloxía

Nunha sesión que forma parte do seu premio como gañadores do Concurso Intercentros da escola

Duvi | Pontevedra



A finais de abril, un grupo de cinco estudantes do colexio Los Sauces convertíase no gañador do segundo Concurso Intercentros da EE Forestal, unha iniciativa dirixida a promover que o alumnado de bacharelato deseñase proxectos de mellora da súa contorna. Un galardón que, por unha banda, lles brindaba dun premio económico de 1000 euros, pero tamén a posibilidade de que a clase dos gañadores retornase á escola para abordar a temática... [+info](#)

Unha ventá aberta á obra de Casares a través das capas dos seus libros

Nunha sesión que forma parte do seu premio como gañadores do Concurso Intercentros da escola

Duvi | Pontevedra



O pasado 17 de maio celebrouse o Día das Letras Galegas, que nesta edición 2017 estivo dedicada ao escritor ourensán Carlos Casares. Porén, cada ano os actos de homenaxe ao escritor elixido en cada edición prolóngase alén desa data co obxectivo de aproveitar a conmemoración para dar maior visibilidade á literatura galega e aos seus creadores. Deste xeito, no campus de Ourense desde este martes e ata o 7 de xullo, a Biblioteca Rosalía de Castro... [+info](#)

Un cuestionario busca predicir as consecuencias da retirada deportiva

A investigadora Ainara Duque deseñou na súa tese esta ferramenta de avaliación psicolóxica

Eduardo Muñiz | Pontevedra



Tratar de predicir como vai afectar a un ou unha deportista o momento da súa retirada, para así poder planificar unha intervención preventiva que contribúa a minimizar ou eliminar os efectos dunha transición que nalgúns profesionais chega a producir estrés, depresión ou mesmo perda de identidade. [+info](#)

Xosé Manuel Buxán reúne no CGAC a bañistas do mundo nunha exposición pioneira

O profesor de Belas Artes conformou esta mostra cun cento de fotografías domésticas e anónimas
Eduardo Muñiz | Pontevedra



A fotografía atopada ou *found photography* é unha vía de traballo artístico amplamente desenvolvida no contexto internacional, sustentada en outorgar un novo valor a material fotográfico doméstico e anónimo para construír con el un proxecto expositivo e editorial, pero tamén un eido por explorar no contexto español. De aí que desde o CGAC se destaque o carácter pioneiro de *Bañistas*, a exposición na que o profesor de Belas Artes Xosé Manuel Buxán reúne un cento de imaxes... [+info](#)

Os estudantes sénior despiden o curso académico desde o escenario

O festival do alumnado do Programa Universitario de Maiores tivo lugar este mércores.



Duvi | Ourense

Co curso académico 2016/2017 xa na súa recta final, sucédense no campus de Ourense os actos de graduación e as celebracións de fin de curso. Este mércores os protagonistas foron os alumnos e alumnas do Programa Universitario de Maiores. A Asociación de Maiores do campus ourensán foi a encargada de organizar un festival de fin de curso no que os propios estudantes sénior foron os encargados de subir ao escenario para contar contos, para cantar ou para tocar algún instrumento,... [+info](#)

O prazo de presentación á primeira edición dos premios do Campus da Auga remata o 31 de xullo

Están destinados a distinguir a investigación, transferencia, innovación educativa e divulgación

Duvi | Ourense



O prazo de presentación de candidaturas á primeira edición dos Premios de Investigación, Innovación Educativa e Divulgación Científica do Campus da Auga remata o vindeiro 31 de xullo. Os galardóns enmárcanse dentro da política de impulso e fomento da investigación, transferencia, innovación educativa e divulgación científica relacionada co motor estratéxico de especialización do campus de Ourense como Campus da Auga. Os galardóns están dotados cun total de 3600 euros. [+info](#)

O grupo AF4 explora vías para compatibilizar os usos forestais e gandeiros nos montes

Os investigadores da EE Forestal participan nun proxecto impulsado pola Asociación Agraria de Galicia

Eduardo Muñiz | Pontevedra



O aproveitamento dos montes como fonte de alimento para o gando pode contribuír tamén a prevención dos lumes forestais, ao reducir a cantidade de biomasa forestal susceptible de converterse en combustible para as lapas. Partindo desta idea, investigadores e investigadoras da Escola da Enxeñaría Forestal traballan na definición dunha serie... [+info](#)

A migración marroquí, vista desde os seus potenciais protagonistas

Unha tese aprofunda no imaxinario social de menores en situación de abandono ou orfandade



Rosa Tedín | Ourense

Durante 100 días o psicólogo Javier Diz investigou nun centro de atención a menores en situación de abandono ou orfandade de Tetuán, en Marrocos, como se constrúen nestes rapaces e rapazas os imaxinarios sociais da emigración e que implicacións ten sobre a súa acción potencial de emigrar a España e Europa coa idea de mellorar a súa vida ou o seu desenvolvemento persoal e social. Ao longo do estudo realizado, destaca o investigador ourensán,...[+info](#)

Creacións artísticas que antes foron refugallo nas rúas

O profesor de BBAA Ignacio Pérez-Jofre comisaría unha exposición de obras xurdidas da reciclaxe



Duvi | Pontevedra

Bolsas de plástico, envoltorios, cabichas, anacos de papeis ou de cristal, táboas ou cartóns, diferentes residuos atopados na rúa convertéronse nos materiais no que un grupo de persoas en risco de exclusión social deron forma, o pasado ano, a unha serie de obras no marco dun taller da Fundación Emaús coordinado polo profesor da Facultade de Belas Artes Ignacio Pérez-Jofre. Obras que agora buscan promover unha reflexión sobre... [+info](#)

As entidades locais, ante o reto da transparencia e a innovación

Ourense acolle este martes e mércores a celebración do I Congreso Red Localis



Rosa Tedín | Ourense

Un centenar de expertos e expertas tanto do eido académico como profesional danse cita este martes e mércores no Centro Cultural Marcos Valcárcel de Ourense no I Congreso Red Localis. A cita, organizada pola Red Localis e a Asociación Gen+, ambas lideradas polo Grupo de Investigación Governance and Economics Research Network (Gen) da Universidade de Vigo, nace co obxectivo de posicionarse como o foro de referencia estatal no que se refire a temas de goberno local. [+info](#)

Un libro pon en valor as achegas "esquecidas" das mulleres matemáticas ao longo da historia

Amelia Verdejo publica unha obra sobre a necesidade de visibilizar o xénero feminino nesta disciplina



Duvi | Vigo

Emilie Breteuil, Mery Sommerville, María Gaetana Agnesi, Emmy Noether, Sofia Kovalsky, Ada Byron e Hipatia de Alejandría son algunhas das mulleres que fixeron importantes contribucións no campo das matemáticas ao longo da historia. Aínda que na súa meirande parte estas científicas seguen a ser descoñecidas para o gran público polo mero feito de pertencer ao xénero feminino, figuras como Hipatia e Ada Byron xa se fixeron un oco no imaxinario colectivo. [+info](#)

Comezan os traballos para a elaboración dun libro branco sobre a ruptura de parellas con fillos

A catedrática Francisca Fariña coordina o proxecto para a creación deste documento estratéxico



Eduardo Muñiz | Pontevedra

Un estudo publicado en 2016 por investigadores das universidades de Vigo e Santiago situaba en preto do 34% o incremento da probabilidade de caer baixo o limiar da pobreza entre os nenos e nenas afectados por un proceso de separación, nos que aumentaba nun 43% a probabilidade de verse expostos á violencia machista. Datos que poñen de relevo a necesidade de abordar, desde unha óptica multidisciplinar, as actuacións que poden conducir a unha... [+info](#)

Reescribindo vidas trala diagnose dun cancro

Dez mulleres participan en Ourense nun programa de uso terapéutico do teatro



Rosa Tedín | Ourense

Desde o pasado mes de abril e ata finais deste mes de xuño, un grupo de mulleres acode unha mañá á semana á Casa da Xuventude de Ourense para participar nunha actividade que se ten convertido para elas nun aliciente vital moi importante. Con idades, formacións e traxectorias moi diversas, todas elas comparten un nexo común: a diagnose dun cancro recentemente. Xuntas traballan, baixo a "guía" das investigadoras da Universidade de Vigo... [+info](#)

A OMA estreará o vindeiro curso un programa de voluntariado pioneiro para erradicar as especies invasoras no campus

No Día Mundial do Medio Ambiente, como actividade piloto, elimináronse 290 kg de herba do Himalaia



Duvi | Vigo

O vindeiro curso a OMA inaugurará un innovador programa de voluntariado no campus de Vigo que unirá estudantes de todos os ámbitos para que realicen tarefas de control e erradicación das especies invasoras das zonas verdes lindeiras ás escolas e facultades viguesas. O obxectivo desta iniciativa é contar coa participación de persoas de toda a comunidade universitaria para... [+info](#)

O Campus ConVida, no VIII Congreso Iberoamericano de Universidades Promotoras da Saúde

A investigadora Laura Ruiz expuxo nos varios estudos sobre os hábitos do alumnado ourensán

Duvi | Ourense



Esta semana a Universidade de Alacante acolleu do 27 ao 29 de xuño a celebración do VIII Congreso Iberoamericano de Universidades Promotoras da Saúde. Entre os proxectos presentados nel estivo o da Universidade de Vigo Campus da Auga ConVida, destinado a fomentar os hábitos de vida saudables no eido físico, psíquico e social entre a comunidade universitaria. A investigadora Laura Ruiz presentou nesta cita dúas comunicacións... [+info](#)

Investigadores de Vigo e Santiago descubren en Adro Vello unha gran mostra de peixe de hai 1700 anos e restos óseos de sete persoas

Ao abeiro de 'Galtfish', proxecto centrado no estudo da produción do sal e salgaduras en época romana

M^a del Carmen Echevarría | Vigo



Pola súa dimensión e o seu estado de conservación, a mostra de peixe de hai 1700 anos de antigüidade que agochaba o pío número 1 do xacemento romano de Adro Vello (O Grove), “pode ser un achado único”, asegura Adolfo Fernández, docente e investigador do Grupo de Estudos en Arqueoloxía, Antigüidade e Territorio da Universidade de Vigo (Geaat). Xunto á docente e investigadora do Departamento de Zooloxía, Xenética e Antropoloxía Física... [+info](#)

Un pulo á transversalidade de xénero como criterio de excelencia e como medio de transformación social

A V Xornada Universitaria Galega de Xénero celebrárase a vindeira semana en Vigo



M^a del Carmen Echevarría | Vigo

Co obxectivo de debater o papel das universidades no reto de enfrontar as identidades non normativas e o tratamento delas dentro da propia comunidade universitaria, un cento de persoas, na súa maior parte, persoal docente e investigador das tres universidades galegas, participarán o vindeiro 7 de xullo na V Xornada Universitaria Galega en Xénero. [+info](#)